

Inatsisartut Suleriaasianni § 33, imm. 3, nr. 1 malillugu Nunat Avannarliit Killiit Siunnersuisoqatigiiffiannut aallartitat siulittaasuata aalajangiiffigisassatut siunnersuut tulluuttoq saqqummiuppaa:

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 1/2025-mik Inatsisartut ilaliinissaannik siunnersuut:

Nunat Avannarliit Killiit Siunnersuisoqatigiiffiata Savalimmiuni naalakkersuisunut, Kalaallit Nunaanni naalakkersuisunut Islandimilu naalakkersuisunut kaammattuutigaa,

- **Nunani avannarlerni killerni taakkulu akornanni ullumikkut sillimaniarnermut illersornissamullu tunngavigisat nassuiaateqarfigeqqullugit,**
- **Nalilersoqqullugu nunani avannarlerni killerni sillimaniarneq pillugu suleqatigiinneq qanoq ineriartortinneqarsinnaanersoq kivinnekarsinnaanersorlu nunani avannarlerni killerni nunani innuttaasut toqqissisimasumik ataqqinassusillimillu inuuneqarsinnaalersillugit.**

(Aallartitat siulittaasuut Kim Kielsen)

Tunngavilersuut

2022-mi februaarip ulluisa 24-anni Rusland Ukrainimik siullermik saassussimmat allannguutit nunarsuatta immikkoortuinik inuuffigisatsinnik iluamik ulorianartorsiortitsilersut Atlantikup avannarpasinnerusortaani malunnartunik kinguneqarsimapput. Eqqissineq isumannaassuserlu Atlantikup avannarpasinnerusortaanut Issittumullu ilisarnaataasimagaluartut amerlasuunut nalorninermik annilaanganermillu taarserneqarsimarpassipput.

Nunani avannarlerni killerni nunat pingasuusut NATO-mut attaveqarneq taamatullu aamma eqqissineq isumannaassuserlu ulorianartorsiortinneqassagaluarpata NATO-mit illersorneqarnissamik tatiginninneq ataatsimoorfigisimavaat. Ullumikkorpiarli isumannaassuseq tamanna pissusiviusut eqqarsaatigalugit qanoq tutsuiginartiginersoq oqallisigineqarlunilu apeqquserneqartarsimavoq. Tamanna minnerunngitsumik nunani avannarlerni killerni amerikamiut piginnikkusullutik kissaateqarnerannik siunertaqarnerannullu atatillugu saqqumilaarsimavoq.

Pissutsit qulaajarniarlugit nunarsuullu ilaani inuuffigisatsinni illersornissamut sillimaniarnermullu tunngatillugu susassaqtut sammineqarneroqqullugit, taamaaliornikkullu nunani avannarlerni killerni innuttaasut siunissami toqqissisimanissamik eqqissisimanissamillu qularnaarunneqaqqullugit Nunat Avannarliit Killiit Siunnersuisoqatigiiffiata qulaani allassimasut Savalimmiuni, Kalaallit Nunaanni Islandimilu naalakkersuisunut kaammattuutigai.